




ՄԱՅՐ ԱԹՈՒՌԻՄ

Հոկտեմբերի 1-ին, չորեքշաբթի.—Այսօր երեկոյան ժամը 5-ին հոգևոր ճեմարանի հանդիսութեանց սրահում դասախոսություն կարդաց ճեմարանի տեսուչ տ. Շնորհք վրդ. Գասպարյանը՝ «Օրենք և հնազանդություն» նյութի շուրջ:

Գասախոսութեանը ներկա էին վանքի միաբանությունն ու ճեմարանի ուսանողությունը:

*
* *

Հոկտեմբերի 2-ին, հինգշաբթի.—Մայր տաճարում, Իջման ս. սեղանի վրա, քահանայական ուխտի սուրբ պատարագ մատուցեց Կ. Պոլսի հայոց պատրիարք տ. Շնորհք սրբազանը:

Ս. պատարագին ներկա էր Մայր Աթոռի ողջ միաբանությունը:

*
* *

Հոկտեմբերի 3-ին, ուրբաթ.—Ուխտավորաբար Մայր Աթոռում գտնվող տ. Մեսրոպ ծ. վրդ. Սեմերճյանը հոկտեմբերի 3-ին, 14-ին, 20-ին, 24-ին և 28-ին կարդաց հետևյալ դասախոսությունները Մայր Աթոռի միաբանության ու հոգևոր ճեմարանի ուսանողության համար՝ «Տերունական աղոթքի մեկնությունը», «Աստուծո քրիստոնեական ըմբռնումը», «Մեր եկեղեցվո միաբնակ վարդապետությունը», «Հոգևորականը և սեռական կյանքը», «Հավատամքի մեկնությունը» և «Աստուծո մարդեղությունը և նպատակը» նյութերի շուրջ:

*
* *

Հոկտեմբերի 7-ին, երեքշաբթի.—Ս. Հռիփ-սիմեի տաճարում այսօր քահանայական ուխտի իր երկրորդ պատարագը մատուցեց տ. Շնորհք սրբազան պատրիարքը:

Ս. պատարագին ներկա էր Մայր Աթոռի միաբանությունը:

Նույն օրը, երեկոյան, սրբազան պատրիարք հայրը Վեհարանում Մայր Աթոռի սարկավազների ու հոգևոր ճեմարանի լսարանական սաների համար խոսեց «Հոգևորականի կոչումը» նյութի շուրջ:

*
* *

Հոկտեմբերի 9-ին, հինգշաբթի.—Այսօր առավոտյան ս. Գայանեի տաճարում քահանայական ուխտի իր երրորդ պատարագը մատուցեց տ. Շնորհք սրբազան պատրիարք հայրը:

Ս. պատարագին իր մասնակցությունը բերեց նաև Մայր Աթոռի միաբանությունը:

*
* *

Հոկտեմբերի 13-ին, երկուշաբթի.—Երեկոյան ժամը 7-ին Վեհարանում գումարվեց Գերագույն հոգևոր խորհրդի լիազուստար նիստը՝ Վեհափառ Հայրապետի նախագահությամբ:

Ժողովին ներկա էին նաև Գերագույն հոգեվոր խորհրդի անդամներ, Արևմտյան եվրոպայի հայրապետական պատվիրակ և Զրանսիայի առաջնորդ տ. Սերովբե արքեպ.

Մանուկյանն ու Ռուսաստանի հայոց թեմի առաջնորդ տ. Պարգև եպս. Գևորգյանը:

Հոկտեմբերի 17-ին, ուրբաթ.—Հոգևոր ձեմարանի ընթերցասրահում այսօր, երեկոյան ժամը 6-ին, Մայր Աթոռի միաբանության և հոգևոր ձեմարանի սաների համար դասախոսություն կարդաց դոկտ. Ս. Սևոնբյանը՝ «Աստվածաբանության և գիտության հաշտեցումը» թեմայի շուրջ:

Հոկտեմբերի 19-ին, կիրակի.—Զ կիրակի Կլենի Ս. Խաչի.

Մայր տաճարում ս. պատարագ մատուցեց տ. Գևորգ վրդ. Սերայդարյանը:

Ս. պատարագին ներկա էր Վեհափառ Հայրապետը:

Ս. պատարագին ներկա էին նաև սփյուռքահայ բազում ուխտավորներ:

Հոկտեմբերի 21-ին, երեքշաբթի.—Երեկոյան ժամը 7-ին Վեհարանում գումարվեց Գերագույն հոգևոր խորհրդի հերթական նիստը՝ Վեհափառ Հայրապետի նախագահությամբ:

Ժողովին հրավիրվել էր նաև Անգլիայի հայրապետական պատվիրակ տ. Պսակ արքեպ. Թումայանը:

Հոկտեմբերի 26-ին, կիրակի.—Գիւտ Խաչ. Մայր տաճարում ս. պատարագ մատուցեց հոգևոր ձեմարանի տեսուչ հոգ. տ. Շնորհք վրդ. Գասպարյանը:

Ս. պատարագի ընթացքին կուսակրոն քահանա ձեռնադրվեց բարեշնորհ Գրիգոր սարկավագ Բունիթյանը՝ վերանվանվելով տ. Գրիգորիս արքեպ:

Ձեռնադրությունն ու օծումը կատարեց Մայր տաճարի լուսարարապետ տ. Հայկազուն արքեպ. Աբրահամյանը, որը և «Հայր մեր»-ից առաջ խոսեց ողբշունչ մի բարոզ՝ «Ի բեզ, Տէր, յուսացայ, մի՛՝ ամաչեցից յաւիտեան» բնաբանով:

Ս. պատարագին ներկա էր Վեհափառ Հայրապետը:

Ս. պատարագին ներկա էին նաև բազում ուխտավորներ և հավատացյալներ:

Տ. Գրիգորիս արքեպ Բունիթյանը ծնվել է էջմիածին քաղաքում 1946 թվականի օգոստոսի 31-ին: Նախնական կրթությունը ստա-

ցել է տեղի միջնակարգ դպրոցում: 1960 թվականին ընդունվել է հոգևոր ձեմարան, որի դասարանական և լսարանական դասընթացները ավարտել է փայլուն հաջողությամբ 1966 թվականին: Սարկավագ է ձեռնադրվել 1965 թվականին: Որպես ավարտաճառ ներկայացրել է Շահապիվանի ժողովի մասին մի ուսումնասիրություն և ստացել է ձեմարանի ավարտական վկայական: Աշխատել է «էջմիածին» ամսագրի խմբագրությունում և ապա որպես սարկավագ պաշտոնավարել է Օրջոնիկիձեի հայոց եկեղեցում:

Շնորհավորում ենք նորընծա տ. Գրիգորիս արքեպին և մաղթում, որ նա լինի հավատարիմ միաբանը ս. էջմիածնի և «մշակ առանց ամօթոյ» մեր եկեղեցու ծառայության անդաստանի մեջ:

Նույն օրը, երեկոյան ժամը 4-ին, Վեհարանում պաշտոնական ճաշկերույթ է տրվում Գերագույն հոգևոր խորհրդի անդամներ ճարտարապետ Միքայել Մազմանյանի և գրականագետ Սարգիս Մելիքսեթյանի պատվին՝ նրանց ծննդյան 70-ամյակի առիթով:

Ընդունելությանը ներկա էին բազում հրավիրյալներ: Ընդունելության ժամանակ հարգելի հոբելյարներին ջերմորեն շնորհավորում են Վեհափառ Հայրապետը, տ. Հայկազուն արքեպիսկոպոսը, պրոֆ. Ա. Առաքելյանը, պրոֆ. Վ. Հարությունյանը, ՍՍՀՄ Ժողովրդական արտիստներ Գուրգեն Զանիբեկյանը, Ավետ Ավետիսյանը, պրոֆ. Կ. Ղաֆաղարյանը, Ռաֆայել Իսրայելյանը, նկարիչ Գրիգոր Խանջյանը և ուրիշներ՝ նշելով հարգելի հոբելյարների գիտական-մասնագիտական-հասարակական ծառայությունները մեր մշակույթի զարգացման բնագավառում, ինչպես նաև նրանց աշխատակցությունը Ամենայն Հայոց Վեհափառ Հայրապետի կողքին, նրա եկեղեցաշեն, հայրենանվեր ու հայրենասիրական գործունեության ճանապարհի վրա:

Վերջում երկու հոբելյարները ջերմ շնորհակալության և երախտագիտության խոսք են ասում Վեհափառ Հայրապետին՝ նրա բարձր ուշադրության և գնահատության համար, ինչպես նաև ընդունելության առթիվ ներկաներից շատերի արտասանած ջերմ խոսքերի համար:

Հոկտեմբերի 29-ին, չորեքշաբթի.—Այսօր երեկոյան Մայր Աթոռ ս. էջմիածին այցելեցին՝ Մոսկվայում Ավստրիայի դեսպան

դուկտ. Վալտեր Վոտակը՝ իր հարգարժան տիկնոջ հետ, ինչպես նաև դուկտ. Ֆրանց Մայեր Կոնթհոգը՝ Ավստրիայի գործարար ընկերության նախագահը:

Հարգելի հյուրերը Մայր տաճարի եկեղեցական արվեստի թանգարանը այցելելուց հետո, Վեհարանում, ջերմ մթնոլորտում, հանդիպում ունեցան Ամենայն Հայոց Վեհափառ Հայրապետի հետ:

Հայոց Հայրապետի և հյուրերի միջև տեղի ունեցավ սիրալիր զրույց:

*
* *

Հոկտեմբերի 30-ին, հինգշաբթի.—Այսօր հոգևոր ճեմարանի տեսուչ տ. Շնորհք վրդ. Գասպարյանը ճեմարանի ուսանողության համար դասախոսություն կարդաց՝ «Մարդկային արժեքը» թեմայի շուրջ:

*
* *

Հոկտեմբերի 31-ին, ուրբաթ.—Այսօր ուխտավորաբար մայր հայրենիքում գտնվող Հոռմի Լեոնյան հայ վարժարանի տեսուչ տ. Ներսես վրդ. Սեթյանը հոգևոր ճեմարանի ընթերցասրահում դասախոսություն կարդաց՝ «Հոգևորականի պատրաստության մեջ գիտության բաժանումը» թեմայի շուրջ:

Դասախոսությանը ներկա էին Մայր Աթոռի միաբանությունն ու ուսանողությունը:

*
* *

Նոյեմբերի 2-ին, կիրակի.—Ը կիրակի գկնի Ս. Խաչի.

Մայր տաճարում ս. պատարագ մատուցեց տ. Մուշեղ վրդ. Պետիկյանը:

Ս. պատարագին ներկա էր Վեհափառ Հայրապետը:

*
* *

Նոյեմբերի 4-ին, երեքշաբթի.—Այսօր հոգևոր ճեմարանում իր երկրորդ դասախոսությունը կարդաց տ. Ներսես վրդ. Սեթյանը՝ «Ազգասիրության իսկական իմաստը» նյութի շուրջ:

*
* *

Նոյեմբերի 9-ին, կիրակի.—Թ կիրակի գկնի Ս. Խաչի.

Մայր տաճարում պատարագեց տ. Հակոբ քհն. Հակոբյանը:

Ս. պատարագին ներկա էր Վեհափառ Հայրապետը:

*
* *

Նոյեմբերի 16-ին, կիրակի.—Ժ կիրակի գկնի Ս. Խաչի.

Մայր տաճարում ս. պատարագ մատուցեց տ. Նշան քհն. Բեյլերյանը:

Ս. պատարագին ներկա էր Վեհափառ Հայրապետը:

*
* *

Նոյեմբերի 20-ին, հինգշաբթի.—Այսօր Վեհափառ Հայրապետին այցելեց հայ անվանի երգահան Արամ Խաչատրյանը: Հայոց Հայրապետի և մեծանուն երաժշտագետի միջև տեղի ունեցավ մտերիմ զրույց՝ սրտագին մթնոլորտում:

*
* *

Նոյեմբերի 21-ին, ուրբաթ.—Այսօր Վեհափառ Հայրապետը, ընկերակցությամբ տ. Հայկազուն արքեպիսկոպոսի, տ. Վահան եպիսկոպոսի, տ. Շնորհք վարդապետի, «Էջմիածին» ամսագրի խմբագիր Ա. Հատիտյանի և բարեջնորդ Հակոբ սրկ. Գյուլյանի, Նրևանում, Ալ. Սպենդիարյանի անվան օպերայի և բալետի պետական ակադեմիական թատրոնում, ներկա եղավ անմահ Կոմիտաս վարդապետի ծննդյան 100-ամյակին նվիրված հոբելյանական հանդիսավոր նիստին ու մեծ համերգին:

*
* *

Նոյեմբերի 23-ին, կիրակի.—Բ կիրակի Յիսնակաց.

Այսօր Մայր տաճարում եպիսկոպոսական հանդիսավոր ս. պատարագ մատուցեց տ. Հուսիկ եպս. Սանթրոյանը:

Ս. պատարագին ներկա էր Վեհափառ Հայրապետը:

«Հայր մեր»-ից առաջ, «Էջ Միածինն ի Հօրէ» շարականը երգելուց հետո, մեծ հանդիսավորությամբ տ. Նարեկ վրդ. Շաքարյանը ընթերցեց Վեհափառ Հայրապետի կոնդակը՝ նվիրված մեծ Կոմիտաս վարդապետի ծննդյան 100-ամյակին:

Ապա Վեհափառ Հայրապետի հանդիսադրությամբ, կոնդակի ընթերցումից հետո, կատարվեց հոգեհանգստյան հանդիսավոր արարողություն՝ ի հիշատակ Կոմիտաս վարդապետի, ի ներկայության սփյուռքահայ բազում ուխտավորների և հավատացյալների:

Ապա նույնպես հոգեհանգստյան պաշտոն կատարվեց Մայր Աթոռի բարերար, ամերի-

կահայ ծանոթ ազգային Հարություն Մովսիսյանի (Հերրի Պրոտ) հիշատակին և հոգու խաղաղության համար:

Հավարտ ս. պատարագի Վեհարանում տղից պաշտոնական ճաշկերույթ՝ ի պատիվ Մայր տաճարի երգեցիկ խմբի:

Ճաշկերույթին ներկա էին նաև հայ մեծ երգահան Արամ Խաչատրյանը և ուսու մեծ երգահան Գ. Կորալեսկին, արտասահմանյան հայ բաղամթիվ խմբավարներ և հարգելի հյուրեր, որոնք Կոմիտաս վարդապետի ծննդյան 100-ամյակի հանդիսություններին մասնակցելու համար ժամանել էին Մայր հայրենիք:

*
* *

Նոյեմբերի 28-ին, ուրբաթ.—Այսօր երեկոյան ժամը 16-ին Մայր Աթոռ ս. էջմիածին այցելեց Սովետական Հայաստանում գտնվող Դանիայի արտաքին գործերի նախարար Պոլ Լարթինգը՝ իր հարգելի տիկնոջ հետ:

Հարգելի հյուրերը Մայր տաճար և նրան առնթրեց եկեղեցական արվեստի թանգարան այցելելուց հետո, ընդունվեցին Վեհափառ Հայրապետի կողմից Վեհարանում:

Հայոց Հայրապետի և պատվարժան հյուրերի միջև տեղի ունեցավ սիրալիր զրույց՝ մտերմիկ մթնոլորտում:

*
* *

Նոյեմբերի 29-ին, շաբաթ—Այսօր առավոտյան ժամը 11.30-ին, Հայաստանում սովետական կարգերի հաստատման 49-րդ տարեդարձի տոնի առթիվ, Մայր տաճարում, Վեհափառ Հայրապետի հանդիսադրությամբ, կատարվեց կառավարական մաղթանք, որին ներկա էին Մայր Աթոռի ողջ միաբանությունը, հոգևոր ճեմարանի տեսչական ու դասախոսական կազմը, Մայր Աթոռի պաշտոնեությունը և հավատացյալների հոծ բազմությունը:

Ազգային պետական տոնի առթիվ փակ էր հոգևոր ճեմարանը:

Ժամը 12.30-ին ազգային պետական մեծ տոնի առթիվ հոգևոր ճեմարանի հարկի տակ տեղի ունեցավ հանդիսավոր նիստ՝ նախագահությամբ Վեհափառ Հայրապետի:

Հանդիսությունը ներկա էին Մայր Աթոռի ողջ միաբանությունը, հոգևոր ճեմարանի տեսչական ու դասախոսական կազմը, Մայր Աթոռի պաշտոնեությունը և բազում ներկաներ:

Հանդիսությունը բացվեց Վեհափառ Հայրապետի աղոթքով և պետական հիմնի նվագով:

Հոգևոր ճեմարանի տեսուչ տ. Շնորհք վրդ. Գասպարյանը իր բացման խոսքի մեջ նշեց հայրենիք ունենալու քաղցրությունը և բախտավորությունը անցյալում մեզ նման տառապած փոքր և դարերով իր աղատությունից զրկված մի ժողովրդի համար և շեշտեց հայ հոգևորականության ևս հավատարմության և հայրենասիրության ուխտը զեպի մեր վերածնված մայր հայրենիքն ու նրա պետականությունը:

Այնուհետև գործադրության դրվեց պեղարվեստական մի ծրագիր՝ արտասանություններից և երգերից բաղկացած՝ օրվա խորհուրդը շեշտող: Օրվա բանախոսն էր հոգևոր ճեմարանի վերակացու Բ. Թաշճյանը: Հարգելի բանախոսը իր գրավոր զեկուցագրի մեջ հանգամանորեն ներկայացրեց հայ ժողովրդի անցյալի տխուր պատմությունը մինչև 1920 թվականը և ապա վեր հանեց 1920 թվականի նոյեմբերի 29-ով իր ազատ կյանքն ու պետականությունը նվաճած մեր ժողովրդի 49 տարիների ընթացքում ձեռք բերած նվաճումները՝ կյանքի բոլոր բնագավառներում:

Հանդիսությունը փակվեց Վեհափառ Հայրապետի հայրենասիրական պատգամով և օրհնությամբ:

Նույն օրը, երեկոյան ժամը 6-ին, հոգևոր ճեմարանում դասախոսություն կարդաց ճեմարանի դասախոս, աշխարհագրագետ Կ. Ավետիսյանը՝ «Աշխարհի յոթ հրաշալիքները» թեմայով:

Դասախոսությունը ներկա էին հոգևոր ճեմարանի տեսչական կազմը, Մայր Աթոռի միաբանությունն ու ճեմարանի ուսանողությունը:

*
* *

Նոյեմբերի 30-ին, կիրակի.—Մայր Աթոռում իր անդրանիկ ս. պատարագը մատուցեց նորընծա տ. Գրիգորիս արեղա Բունիաթյանը:

Հոգեշնորհ հայր սուրբը «Հայր մեր»-ից առաջ տվեց իր առաջին քարոզը՝ «Զմի խընդ-բեցից ի Տեառնէ» բնաբանով:

Ս. պատարագին ներկա էր Վեհափառ Հայրապետը:

Ս. պատարագին ներկա էին նաև սիյուռահայ բազում ուխտավորներ: